

ԳՐԱԽՈՍՈՒԹՅՈՒՆ ԵՎ ՔՆՆԱԴՐՈՒԹՅՈՒՆ

ԼԵՎՈՆ ՄԱՐՏԻՐՈՍՅԱՆ — ՀԱՄԱՇԽԱՐՀԱՅԻՆ ԿՐՈՆՔՆԵՐՈՒ
ՄԱՏԵՐԻԱԼԻՍՏԱԿԱՆ ՀԻՄՈՒՆՔՆԵՐԸ

Բավական ժամանակ է, ինչ հրապարակվել է ամերիկահայ առաջադիմական հասարակական գործիչ ու գրականագետ, «Հո» երթան Ամերիկա» և այլ գործերի հեղինակ Լևոն Մարտիրոսյանի «Համաշխարհային կրոնքներու մատերիալիստական հիմունքները» երկհատոր սովորածավալ աշխատությունը¹:

Իր գրքի առաջարանում Լ. Մարտիրոսյանը որոշակիորեն շարադրում է աշխատության նպատակը՝ բացահայտել կրոնի հակագիտական էությունը, ցույց տալ, որ այն մարդկանց հեռացնում է իրական աշխարհի հարցերից, չլատում նրանց ուժերը, մթափում նրանց գիտակցությունը, անգոր դարձնում կապիտալիստական դաժան իրականության ու պատմության արհավիրքների առջև: Ցույց տալով այն իրական սոցիալական միջավայրը և իմացաբանական ակունքները, որից ծնվում է աշխարհի աղավաղված, կրոնական ըմբռնումը, հեղինակն իր առջև նպատակ է դնում գորեղ փաստերով հերքել մասնավորապես սփյուռքահայության լայն շրջաններում տարածված այն թյուր կարծիքը, թե իբր կրոնն է հայ ժողովրդի փրկող ու պահպանող ուժը: Եվ նա իրավացիորեն գրում է. «Իսկ գալով հայ ժողովուրդի գոյության հարցին, ոչ ոքի համար այլևս մութ չէ մնացել այն ճշմարտությունը, որ հայ ժողովուրդը այսօր իր գոյությունը պետք չունի կապելու գերբնական ուժերու հովանավորության հավատքին: Ան ունի իր ազատ հայրենիքը, իր գիտությունը: Աստվածաշունչը չէր, որ օգնեց հայ ժողովուրդին, այլ հորհրդային մեծ Միությունը: Կրոնքը չէր, որ կատարեց հրաշքերուն հրաշքը, այլ խորհրդային իրավակարգի տակ հավաքական ուժը, հավաքական աշխատանքը» (Ա., էջ 24—25): Եվ նա շեշտում է, որ իր նպատակն է ցրել այն սխալ մտայնությունը, որ գոյություն ունի սփյուռքահայության մեջ և հին սերնդի ներկայացուցիչների մոտ հայրենիքում, թե «...ասկե հետո ևս, եթե Հայը պիտի ապրի, պիտի ապրի իր եկեղեցիով, իր աղոթքով ու աստվածային շնորհքով» և մեր միամիտ ու անկեղծ հավատավորների հավատքը բաժնել երկինքին, բաժնել գերբնական ուժերին, և կեդրոնացնել իր սեփական ուժերու գիտակցության վրա» (Ա., էջ 25):

Լևոն Մարտիրոսյանի աշխատությունը չափազանց լայնածավալ է իր ընդգրկումով: Վերնագիրն ինքնին խոսում է գործի ծավալի մասին: Իհարկե, տվյալ վերնագիրը՝ «Համաշխարհային կրոնքներու մատերիալիստական հիմունքները», ճիշտ չէ, որովհետև և ոչ մի կրոն մատերիալիստական հիմունք չունի և չի կարող ունենալ: Կրոնքների հիմունքները իդեալիստական են և առանց իդեալիզմի, առանց գերբնականի, առանց հոգու գաղափարի, կրոնը գոյություն ունենալ չի կարող: Ինքը հեղինակը գրում է. «Մարդը կրոնքը ստեղծել է համաձայն իր երկրի աշխարհագրական, տնտեսական և ընկերային պայմաններուն, իսկ տիրող դասակարգը կրոնքը ծառայեցուցեր է իր դասակարգային շահուն և տիրապետության նպատակին: ...Մարմին մը կա, որ մեզմե բարձր է, մեզի հրամայող և բարիք պարգևող, ու մենք պարտավոր ենք պաշտել զայն, կատարել անոր պատվերները, և հարգել անոր օրենքները: Այս է բոլոր կրոնքներուն բնույթը» (Ա., էջ 30):

Այսպիսով, ակնհայտ է, որ Լևոն Մարտիրոսյանի աշխատանքը նվիրված է ոչ թե կրոնների «մատերիալիստական հիմունքներին», այլ նրանց սոցիալական և իմացաբանական արմատների բացահայտմանը, նրանց դասակարգային էության մերկացմանը: Ինքը հեղինակն էլ ներշնչվում է, որ իր գործը նվիրված է կրոնի «մատերիալիստական վերլուծումին»: Եվ սա, իհարկե, ճիշտ է:

Եթե վերանանք վերնագրի մեջ և աշխատության ոլոր էջերում տեղադրենք գործածության

¹ Լ և ո ն Մ ա Ր տ ի Ր Ո Ս Յ ա ն, Համաշխարհային կրոնքներու մատերիալիստական հիմունքները, Ա. հատոր, Բեյրութ, 1960, 533 էջ, Բ. հատոր, Բեյրութ, 1960, 510 էջ:

անճշտություններից, և եռն Մարտիրոսյանի աշխատությունն իր ամբողջության մեջ կրոնի առաջացման ու պաշտաման պատճառները, նրա սոցիալ-դասակարգային էությունը բացահայտող մի ամբողջական ուսումնասիրություն է։ Հեղինակը, քննելով կրոնի պատմության, զարգացման, սոցիալական էության մասին բազմաթիվ աշխատություններ և աթեիստական երկերը, դրանք ի մի է ամփոփել, ընտրելով իր կողմից ընդունելի։ Սակայն հեղինակը չի սահմանափակվում այդ քաղվածքները ընտրելով։ Դրա հետ միասին նա քննադատաբար է օգտագործում այդ երկերը, նշում նրանց թերություններն ու սխալները և մի շարք հարցերում հանդես է բերում միանգամայն ինքնուրույն գիտական մոտեցում։

Աշխատության բաժանումը երկու հատորների իմաստավորված է հարցի քննարկման ուսուրեր ասպեկտներով։ Առաջին հատորն ամբողջությամբ նվիրված է առավել տարածված կրոնական մի շարք ուղղությունների կամ, ինչպես ընդունված է ասել, մի շարք կրոնների առաջացման ու ձևավորման պատմության քննարկմանը։ Այս հատորում վերլուծված են ինդուիզմի, բուդդայականության, կոնֆուցիականության, զրադաշտակալության, հուդաիզմի, սինտոիզմի, մաճնեզականության, բոհստոնեության առաջացման պատմությունը, դրանք ծնող պատմական-սոցիալական պայմանները, դրանց փոխադարձ կապերն ու փոխազդեցությունները։ Մասնավորապես հատուկ քննարկման առարկա են քրիստոնեական կրոնի առաջացումը, նրա աղբյուրների վերլուծությունը և փոխառությունները արևելյան (փոքրասիական, եգիպտական, սիրիական և այլն) կրոններից։

Մարտիրոսյանը բարեխղճորեն շարադրում է այդ կրոնների ծագման մասին բուն կրոնական առասպելները, այսինքն՝ նախ, ցույց է տալիս, թե ինչ են ասում այդ մասին կրոնական աղբյուրները, ապա բազմաթիվ գիտնականների, որոնց մեծ մասը բուրժուական մտածողներ են, հետազոտությունների հիման վրա հնրթում է կրոնական առասպելները, ցույց տալիս դրանց անշուղ մեծամասնության կեղծությունն ու գիտական հավաստիությունից զուրկ լինելը և բացահայտում է նշված կրոնների առաջացման սոցիալ-դասակարգային արմատները։

Կրոնական աղբյուրներին և, հատկապես, քրիստոնեական կրոնի պաշտոնական գրականությանը լավատեղյակ լինելը (մի բան, որ հիմնական պակասություն է մեր համարյա բոլոր նետադոտողների համար), նրան հնարավորություն են տալիս շարադրել դրանց հիմնական սկզբունքները, վեր հանել յուրահատկությունները և բացահայտել դրանցում, հատկապես աստվածաշնչի մեջ տեղ գտած բազմաթիվ անհեթեթությունները։ Այստեղ նրան մեծ չափով օժանդակել է Մ. Գ. Ֆերասյանի «Քրիստոնեության և հեթանոս կրոններու բաղդատականը» աշխատությունը, որը դժբախտաբար մեր ձեռքի տակ չկա։ Այդ գիրքը, և Մարտիրոսյանի գնահատությամբ, թեև մարքսյան վերլուծության մոտեցած չէ, սոսկ բաղդատական ուսումնասիրություն մըն է, բայց հարուստ նյութի ունի կրոնական ավելորդապաշտությանը շնորք քանդելու տեսակետներ (Ա., էջ 43)։

Առավել հետաքրքրություն է ներկայացնում աշխատության երկրորդ հատորը, որտեղ կրոնը քննարկվում է ընդհանրապես որպես հասարակական գիտակցության ձև, տրվում է կրոնի ընդհանրական աղբյուրների, առաջացման ուղիների և պաշտաման պատճառների գիտական բացատրությունը։ Ընդ որում քննարկումն ընթանում է մարտնչող մատերիալիզմի դիրքերից։ Դա հատկապես ցցուն է ի մասում, ուր լուսարանվում է համաշխարհային պատմության մեջ քրիստոնեական կրոնի խաղացած բացասական դերը։

Բազմաթիվ համոզեցուցիչ փաստերով և Մարտիրոսյանը ցույց է տալիս, որ ինչպես իր ծագման շրջանում, այնպես էլ և այժմ, քրիստոնեական կրոնը (ինչպես և մյուս կրոնները) ևրդարացրել է մարդկանց ստրկացումն ու շահագործումը, բնաշնչող պատերազմներն ու ավաբառությունը։ Կրոնական բարոյականությունն այժմ բուրժուական բարոյականությունն է, որն անամոթաբար արդարացնում է տիրողների ու շահագործողների ամեն մի կեղծիքն ու սուտը։

Մարտիրոսյանը նշում է այդ տեսակետից հայտնի արդիական մի փաստ։ 1960 թ. մեծ պետությունների ղեկավարների փարիզյան կոնֆերանսի նախօրյակին «աստվածավախ» ամերիկյան կառավարողները լրտեսական օդանավ ուղարկեցին Սովետական Միության տերիտորիա, իրը սովետական մարտիկները հրթրահրանքին լրտեսական օդանավն և ցած բերեցին օդաչուին, Միացյալ Նահանգների ղեկավարները հայտարարեցին, թե իրենք տեղակ չեն այդ թռիչքի մասին, սակայն անհերքելի փաստերի ազդեցության տակ մի քանի օր հետո ստիպված եղան ի լուր համայն աշխարհի խոստովանել րբականությունը։

Մուտ խոսեցավ քրիստոնյա քաղաքակիրթ մեծ երկրի մը քրիստոնյա նախագահը։ Սուտ խոսեցավ Պետական քրիստոնյա Քարտուղարը։ զրում է Մարտիրոսյանը։ Եվ գա միանգամայն օրինաչափ է, որովհետև, ինչպես ձիշտ նշում է հեղինակը, «քրիստոնեությունը նոր գարու

ապականութեանց պահպանն է ու օրհնեցողն, որովհետեւ այժմու ապականութիւնները կը ծորին քաղաքակրթութեան բացած նոր աղբյուրներէ՝ կապիտալիստական սիստեմէն: Մտեր անտական հաստատութիւններն ենք, դատարաններն ենք, դպրոցներն ենք և բուրժուա խմբագրատուններն ենք, ամեն տեղ կթագաւորեն կեղծիքը, սուտը, խաբէութիւնը, և աստեղ բոլորը վարագործողն է քրիստոնեական կրօնքը» (Բ., էջ 306):

Աշխատութեան երկրորդ հատորի մեջ հեղինակը շարադրում է կրօնի առաջացման բազմաթիվ տեսութիւններ,—հատկապէս անիմիստական (Է. Քեյլոր և Հ. Սպենսեր), բնապաշտական (նատուրիզմ—Մ. Մյուլլեր), ֆրանսիական կամ կոլեկտիվիստական (Դյուրքհայմ) տեսութիւնները, ցույց տալիս դրանց դրական կողմերն ու թերութիւնները: Այնուհետեւ, օգտագործելով արդի գիտութեան տվյալները, նա հետազոտում է կրօնական պաշտամունքի առանձին տարրերի առաջացման պրոցեսը՝ կապված սոցիալական կյանքի փոփոխութիւնների և մարդկային իմացութեան զարգացման հետ: Դրանցից հետո միայն նա շարադրում է կրօնի ծագման մատենաբանական տեսութիւնը, որի հիմքը մարքսիստական պատմական մատենաբանութիւնն է:

Մարքսիստական տեսութեան կարևորագույն դրույթների ըմբռնումը հեղինակին հնարավորութիւն է տվել տեսնելու կրօնի պատմական զարգացումը (էվոլյուցիան) և նրա հաղթահարման ճշմարիտ ուղիները: Իր աշխատութեան մեջ րնդարձակ քաղվածքներ բերելով Մարքսի, էնգելսի և Լենինի կրօնին վերաբերող աշխատութիւններից, ուսումնասիրելով կրօնի նկատմամբ սովետական պետութեան վարած քաղաքականութիւնը, Մարտիրոսյանը հերքում է կապիտալիստական աշխարհում կառավարող շրջանների կողմից հրահրվող ու պաշտպանվող այն կարծիքները, թե իբր սոցիալիստական կարգերը թույլ չեն տալիս խղճի ազատութիւն, հալածանքի են ենթարկում հավատացյալներին և, թե իբր Սովետական Միութիւնը նահանջն է կրօնի հղորդութեան առջև, և այլ ու այլ նման հերյուրանքները: Մարտիրոսյանը իրավացիորեն նշում է, որ «Խ. Միութիւնը ոչ մեկ ատեն կրօնը բռնի ուժով քանդել չէ ուզել... Կրօնն է, որ նահանջն է սովետական իշխանութեան, այսինքն՝ աշխատավորներու իշխանութեան առջև...» (Բ., էջ 74):

Մարտիրոսյանը նշում է, որ կոմունիզմը չի անարգում միամիտ հավատացյալներին, այլ նրանց հանձնարարում է ուսումնասիրել պատմութիւնը, պատմութեան օրենքները, գիտութեան նվաճումները և ձգտել հասնելու լավագույն կյանքի բոլոր մարդկանց ու ժողովուրդների համար, այնպիսի կյանքի «ուր մեր աշխարհի հողին վրա զրկանքի ճնշումով ոչ մեկ կաթիլ արցունք թափելու չէ: Եվ գիտութիւնն է, որ մեզ կառաջնորդի դեպի այդ հանգրվանը: Այո՛, գիտութիւնը, և ո՛չ թե կրօնը: Կրօնը՝ երկրների անտեսանելի դրախտը խոստացած մարդուն, ու տեսանելի երկիրը վերածնց դժոխքի: Գիտութիւնը ահա այդ դժոխքն է, որ պիտի փոխի դրախտի» (Բ., էջ 409):

Սակայն գիտութիւնն ինքնըստինքյան անկարող է փոփոխել մարդկանց վիճակը, եթե նա չի օգտագործվում հասարակական առաջադիմական ուժերի կողմից, իսկ այդպիսի ուժեր են հանդիսանում բանվոր դասակարգը և նրա ինտերնացիոնալիստական պարտիան, որոնք ի վիճակի են վերացնելու մարդու կողմից մարդու շահագործումը, վերացնելու չասակարգերը: Եվ «այն հասարակութիւնը,—նշում է Մարտիրոսյանը,—որ դասակարգերու բաժնված չէ, որ թաղած է պետական կազմը իր բոլոր ճշուրդներով, որ չունի հարուստներ ու թշուառներ, չունի լացողներ ու վայելողներ, այդ հասարակութեան մեջ կրօնը հող չունի» (Բ., էջ 414):

Խոսելով կրօնի ծագման, նրա տարատեսակների առաջացման ու հասարակական դերի մասին, Մարտիրոսյանը, բացի մի քանի թեթեւակցական ակնարկներից, հիմնականում մի կողմ է թողնում հայկական կրօնի ու եկեղեցու հետ առնչվող հարցերը և միայն երկրորդ հատորի վերջում հավելվածի ձևով փորձում է պարզարանել հայ ժողովրդի պատմութեան մեջ քրիստոնեական կրօնի խաղացած դերը: Ուսումնասիրելով հայ ժողովրդի սոցիալական զարգացումը մեր թվարկութեան սկզբից, Մարտիրոսյանը հանգում է սովետական պատմագրութեան կողմից հաստատված ու ապացուցված այն եզրակացութեանը, որ քրիստոնեական կրօնի մուտքը Հայաստան կապված էր երկրի տնտեսական ու սոցիալական պայմանների, մասնավորապէս ճորտատիրական հարաբերութիւնների զարգացման հետ: Սի շարք զորավոր փաստերով նա ջրում է հայ եկեղեցական պատմագրութեան այն դրույթը, թե իբր հայ եկեղեցին է եղել հայ ազգի գոյութեան պահպանման միակ հրաշագործ ուժը: Նա ցույց է տալիս, որ քրիստոնեական կրօնը հայ ժողովրդին ոչ միայն անհամար թշուառութիւններ բերեց, այլև ակնհայտ թացասական դեր խաղաց նրա պատմութեան մի շարք կարևորագույն հանգուցակետերում: Քրիստոնեութիւնը ոչնչացրեց նախորդ շրջանի հայկական ամբողջ մշակույթը:

Աշխատութեան եզրափակիչ հատվածը նվիրված է այսօրվա հայ եկեղեցու դերին ու արդի Տեղեկագիր 12—8

հայ կղերականության բնութագրին, Մարտիրոսյանը ցույց է տալիս հայ ժողովրդի երկու հիմնական հատվածների կյանքի արմատական տարբերությունը, Հայության հիմնական մասը, որը կենտրոնացած է Սովետական Հայաստանում «լենինյան ուղիով ստեղծված է նոր երկիր մը՝ նոր կենցաղով, նոր կուլտուրայով. որու նմանը մենք չենք ունեցել մեր ամբողջ անցյալ պատմության ընթացքին: Մեր երկրեն չբացել են բոլորսած մնացորդները, հին հրաշավեպերու ազդեցությունները, և անոնց տեղը հայ աշխատավորներուն ձեռքով կանգնել են աշխատանքի հրաշակերտ կոթողներ» (Բ., էջ 449):

Մարտիրոսյանը ցույց է տալիս, թե ինչպես Սովետական կառավարության հոգատարության շնորհիվ հայ ժողովուրդը Սովետական Միության ժողովուրդների եղբայրական ընտանիքի մեջ կերտում է իր պայծառ ապագան, ինչպես նախկին ավերված ու թալանված երկիրը նա արդեն իսկ դարձրել է ծաղկող այգեստան ու առաջավոր արդյունաբերության երկիր: Ծվ այդ բոլորը ոչ թե «աստվածային կամքի», եկեղեցու «օրհնության» և աղոթքների, այլ սովետական կարգերի, կոմունիստական պարտիայի անդուլ հոգատարության ու ջանքերի ուժով:

Մարտիրոսյանը մերկացնում է սփյուռքահայ խավարամոլության, հատկապես դաշնակցական թափփուկների այն հերյուրանքները, թե իբր Սովետական Հայաստանում եկեղեցին ու հավատացյալները հալածանքի են ենթարկվում. «Խորհրդային Հայաստանի մեջ,— գրում է նա,— Հայ եկեղեցին կպահվի որպես հին ավանդական հաստատություն: Անոր կապված անկեղծ հավատավորները հալածանքի չեն ենթարկվի ու ծիծաղելի չեն դառնար, երբ եկեղեցի կը հաճախեն, լսելու համար իրենց հին հայրերու հորինած երգասացությունները, բայց անոնց հոգին այլևս աղերսանք չունի, որովհետև չկա բան մը զոր խորհրդային երկիրը իրենց կը զլանա տալ իր հնարավորության սահմանին մեջ» (Բ., էջ 451):

Լ. Մարտիրոսյանը միանգամայն իրավացի է: Սովետական Հայաստանում, ուր իշխում է խղճի ազատության սկզբունքը, եկեղեցին և հավատացյալները ոչ մի հալածանքի չեն ենթարկվում և իրենք էլ լույս վերաբերմունք են ցույց տալիս սովետական իշխանության նկատմամբ:

Սովետական Հայաստանում, այսպիսով, եկեղեցին այլևս քաղաքական, դասակարգային հաստատություն չէ, այլ պետությունից լիովին անջատված մի հիմնարկ: Բուրժուազիայի այլ է վիճակը սփյուռքահայության մոտ, ուր եկեղեցին դասակարգային երկպառակությունների արդարացման օրգան է և մասամբ դաշնակցականների՝ հայ ժողովրդի այդ էրզվյալ թշնամիների ու ամեն գույնի կապիտալիստների հյու ծառաների հետ միացած նպաստում է գաղութահայության մասնատմանը, խանգարում հայրենադարձին: Քննարկելով այդ սեպագետ և սև հոգի վեղարավոր կապիտալիստական իմպերիալիզմի ստրկական ծառայություն մատուցանող Բաղնիկյան գործիք կը դառնար,— նշում է Մարտիրոսյանը,— և կը դավաճաներ հերոսական ոգորումներով իր ապագան կերտող հայ աշխատավորության, երբ գաղութահայության ուժերը կը բաժնեն և կը դիներ եղբայր եղբոր դեմ, զավակը իր հորը դեմ» (Բ., էջ 454):

Լ. Մարտիրոսյանը այս բոլորից գալիս է միանգամայն ճիշտ եզրակացության, որը պարզում է հեղինակի դիրքը հայ ժողովրդի պատմական ճակատագրի, նրա ապագայի մասին և արժանի է, որ ամբողջությամբ այստեղ մեջ բերվի. «Ժամանակը եկած է,— եզրակացնում է նա,— որ Սփյուռքի Հայությունը գիտակցի այն ճշմարտության, որ մենք այսօր ունինք մեր պետականությունը, ձեռով ազգային, բովանդակությամբ միջազգային պետականությունը, որ մենք այլևս կրոնական համայնք չենք, այլ նոր կուլտուրայով զարգացած ազգություն մը: Այժմ մեր նշանաբանը չէ այլևս «ամեն հայ իր հոգիի փրկութիւն համար», այլ ամեն հայ իր սոցիալիստական հայրենիքի ապահովության և զարգացման համար:

Այն օրը, այսինքն 1920, նոյեմբեր 29-ի պատմական օրը, երբ Հայաստանի մեջ հաստատվեցավ սոցիալիստական, սովետական հանրապետություն, այդ օրեն սկսավ մեր նոր դարաշրջանը, և մենք ունեցանք մեր ազգային մեծագույն տոնը, որովհետև Հայաստանի խորհրդայնացումը հալ ժողովրդի ծնունդն ու հառաքյունն է միանգամայն:

Հիմնական հարցերը շարադրելով դիալեկտիկական սկզբունքով, հեղինակը, սակայն, երբեմն կոնկրետ հարցերի լուսաբանության ժամանակ թույլ է տալիս ոչ ճշգրիտ արտահայտություններ: Այսպես, նշելով դիալեկտիկական մատերիալիզմի դերը՝ որպես համընդհանուր մեթոդի, նա հայտարարում է, թե մարքսիզմը «գիտություններու գիտություն է քանի որ իր մեջ կառնե կենսաբանությունը, բնախոսությունը, սաղմնաբանությունը, պատմությունը, տնտեսագիտությունը, տիեզերագիտությունը, ընկերաբանությունը, հոշիւրանությունը, մեկ խոսքով մատերիալիստական փիլիսոփայությունը...» (Բ., էջ 391): Բուրժուազիականություններն իր մեջ ներառնելու հավակնություն ունեն նախամարքսյան փիլիսոփայությունը, և հենց մարքսիզմն էր, որ ճշգրտեց փիլիսոփայության առարկան, ցույց տալով, որ այն ոչ թե միավորում է բոլոր

գիտությունները, այլ ունի իր սեփական առարկան՝ քննության, հասարակության և մտածողության զարգացման առաջին ընդհանուր օբյեկտիվ օրենքների իմացությունը, Հիմնականում ճշտ ահմանադատելով մատերիալիզմն ու իդեալիզմը, հեղինակը թիտատներ հայտնի մատերիալիստներու գործերեն բաժնում (Բ., 187, 169) մեքքերումներ է անում կուլթերից և Կանտից, «տեղծելով տպավորություն, թե նրանք էլ մատերիալիստներ են, Այնինչ չպետք է մոռանալ, որ մենք կրոնի դեմ արտահայտվողը դեռևս մատերիալիստ չէ:

Լ. Մարտիրոսյանը կոմունիստ չէ, սակայն նա ձգտել է ըստ հնարավորին ճիշտ ներկայացնել մարքսիստական փիլիսոփայությունը և եթե այդ կարևոր գործի ընթացքում նա թույլ է տվել այս կամ այն մանր շեղումները, ապա դրանք միանգամայն հասկանալի են, եթե նկատի առնենք նրա կյանքի պայմանները, շրջապատը և անցած ուղին:

Մի քանի խոսք Լ. Մարտիրոսյանի աշխատության կառուցվածքի մասին, էական գծերով հիմնավոր լինելով հանդերձ, այն բավականաչափ կուտ չէ, որի հետևանքով տեղ են գտել մի շարք կրկնություններ, որոշ հարցերի երկակի քննարկումներ և այլն: Աշխատությունը դերժ չէ նաև երբեմն ոչ ճշգրիտ ձևակերպումներից, տերմինների խառնաշփոթումներից և այլն: Տարօրինակ է, որ հեղինակը քաջածանոթ լինելով հայ դրականության, համարյա թե չի օգտագործել հայ գործիչների հակերոնական, աթեիստական երկերը: Կրոնի մասին բերված ասույթների մեջ տեղ չեն գտել ոչ Մ. Նալբանդյանի, ոչ Գ. Կոստանդյանի և ոչ էլ հայ մյուս հեղինակների չափազանց հետաքրքիր մտքերը: Սա անշուշտ գրքի կարևոր պակասությունն է:

Հայ ժողովուրդը հակակրոնական պայքարի դարավոր տրագիցիաներ ունի: Դեռևս միջին դարերում Հայաստանում ծայր առած պապիկյան և թոնդրական հզոր շարժումները, իրենց կապերը կրոնի հետ լիովին չխզելով հանդերձ, համարձակ պայքար էին մղում քրիստոնեական կրոնի մի շարք հիմնական դոգմաների և հասարակական կյանքում եկեղեցու գերիշխանության դեմ: Մեր նախահայրերը խնամքով պահպանել ու սիրելից սերունդ հաղորդել են Վարդան Այգեկցու սրամիտ ու խայթող առակները՝ կրոնավորների կեղծավորության ու ընչաքաղցության մասին, Ֆրիկի խիզախ բողոքը՝ աշխարհում տիրող գույքային և հասարակական անհավասարության, «աստծո սահմանած» կարգերի դեմ:

19-րդ դարի հայ իրականության մեջ տեղ գտավ եկեղեցու և կրոնի դիտական քննադատությունը կրոնի իմացաբանական արմատների և հասարակական ռեակցիոն դերի բացահայտումը Միքայել Նալբանդյանի և Գալուստ Կոստանդյանի՝ առաջին հայ աթեիստների կողմից: 19-րդ դարի վերջերից Հայաստանում ծավալվեց արդեն մարքսիստական դիալեկտիկական-մատերիալիստական աշխարհայացքը, որի կարևորագույն տարրերից մեկը դիտական աթեիզմն է՝ կրոնի իմացաբանական ու սոցիալ-դասակարգային արմատների ճիշտ ըմբռնումով:

XX դարի շատ հայ գրողներ իրենց երկերում մերկացրել ու սպանիչ ծաղրի են ենթարկել կրոնական հագուստով պարուրված հարստահարիչներին ու խաբեբաներին: Միսնավորապես ԲաժՖու և Հ. Թումանյանի երկերում բազմաթիվ փայլուն էջեր են նվիրված եկեղեցու և կրոնականների խարդախությունների և խաբեբայության բացահայտմանը, աշխատավոր ժողովրդի եկատմամբ նրանց անտարբերության ու կեղծավորության մերկացմանը:

Սովետական Հայաստանում գիտա-աթեիստական պրոպագանդայի նպատակը ոչ միայն կրոնի ուստայնի մեջ ընկած մարդկանց դիտակցության մաքրումն է սնահավատություններից, անգիտական ըմբռնումներից, այլև երիտասարդ սերնդի դիտակցության մեջ այդ վարակի թափանցման հնարավորության կանխումը:

Դրա համար ոչ միայն խնամքով ուսումնասիրվում են անցյալի հակակրոնական ու աթեիստական տրագիցիաները, այլև գիտության նորագույն տվյալների հիման վրա լայնորեն ծավալվում է գիտա-աթեիստական պրոպագանդան հրապարակվում են և՛ լուրջ գիտական հետազոտություններ, և՛ գիտա-հանրամատչելի գրականություն: Վերջին տարիներին այդ ուղղությամբ նշանակալի գործ է արվել, մասնավորապես, հրատարակվել են բազմաթիվ թարգմանական ու ինքնուրույն աշխատություններ, այդ թվում Ֆրանսիացի Շարլ Լենչինի «Կրոնի ծագումը» հետազոտությունը, Նմելյան Յարուսլավսկու «Կրոնի մասին» ժողովածուն, Պ. Պավլովի «Կրոնական սնահավատություններն ու նրանց վնասը», Վ. Սևյանի «Կոմունիստական և կրոնական բարոյականության հակադրությունը», Թ. Իսայանի «Գերցների աթեիզմը» գրքերը, Ա. Սվայանի կազմած և աշխատասիրած Ճևտվածները մեռնում են» ժողովածուն և բազմաթիվ հանրամատչելի գրքույկներ:

Զգացվում է, որ հեղինակը հնարավորություն չի ունեցել ծանոթանալու Սովետական Հայաստանում հրապարակված մարքսիստական և աթեիստական շատ ու շատ երկերի: Այս, ան-

շուշու, բխում է պայմաններից. կապիտալիստական Ամերիկայում ապրողի համար դա համարյա անհնարին է:

Այս բոլորով հանգերձ Հ. Մարտիրոսյանի աշխատությունը մի ուշագրավ երկ է, նշանավոր մի երեւոյթ, սփյուռքահայ հասարակական կյանքում: Նա ցույց է տալիս, որ սփյուռքահայության առաջավոր մասը ակտիվորեն պայքարում է հակակոմունիզմի ու հակադիտականության դրոշի տակ համախմբված սև ուժերի դեմ և ըմբռնում, որ հասարակական կյանքի ու նրա բոլոր երեւոյթների նշմարիտ բացատրության բանալին տալիս է մարքսիզմ-լենինիզմի հզոր ուսմունքը, որն այսօր մարդկային երջանկության, խաղաղության և ապագայի անվեհեր գրոշակակիրն է:

Մ. Ա. ՄԵԼԻՔՅԱՆ